



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Tractatus De Regimine Ecclesiae Episcopalis In Octo Libros Distributus**

**Antonelli, Giovanni Carlo**

**Velitris, 1650**

Qvis censeatur proprius Episcopus quoad ordines suscipiendos. Cap. I.

**urn:nbn:de:hbz:466:1-11401**

IO. CAROLI ANTONELLI  
SAC. THEOL. AC I. V. D. VELITERNI.  
LIBER SECVNDVS.

DE SACRIS ORDINIBVS.

S V M M A R I V M.

- P**ROEST quis ordines recipere tam ab Episcopo originis, quam ab Episcopo domicilij, siue beneficij.
1. Electo semel uno Episcopo non potest variare.
2. An hoc procedat quoad ordines minores.
3. Quinam dicatur originarius, siue oriundus.
4. An possit quis ordinari ab Episcopo originis paterne, si pater tempore natiuitatis illius filij aliò transtulerat domicilium.
5. Vbi ordinandi sint infantes expositi.
6. A quo Episcopo promoueri debent filij illegitimi.
7. Quid dicendum sit de ijs, qui in aliquo loco fortuito, vel in peregrinatione nascuntur.
8. An promoueri quis possit ad ordines in loco, vbi baptizatus est.
9. Ad suscipiendos ordines attenditur, vel domicilium proprium filij, vel Patris.
10. Domicilium etiam momento temporis constitui potest, & quomodo id intelligatur.
11. Ex quibus coniecturis colligatur animus perpetuò manendi: Scholares, Castellani, & famuli an contrahant domicilium in loco, in quo morantur.
12. Habens domicilium in duobus locis, ab alterutro Episcopo potest ordinari, & quomodo hoc intelligatur.
13. A quo Episcopo ordinandi sint Regulares.
14. Patres Societatis Iesu à quocunque

R que

- cunq. catholico Antistite ordi-  
nari possunt.
- 17 A quo ordinari debent Nouitij.  
Nouitij ad sacros ordines quando  
promoueri possint, ibidem.
- 18 An Abbas regularis Nouitij  
suis possit ordines conferre.
- 19 Ad ordines suscipiendos sufficit  
beneficium etiam tenue.
- 20 Ratione patrimonij precise nul-  
lus acquirit forum.
- 21 Habens plura beneficia in di-  
uersis Diocesis, ab vnoquoq.  
illarū Antistite promoueri potest.
- 22 Quid si in vna Diocesi haberet  
beneficium residentiam requi-  
rens, & in alia beneficium sim-  
plex.
- 23 An ad hoc sufficiat sola collatio  
beneficij sine possessione, vel  
pensio super beneficio.
- 24 An Episcopus possit ordines con-  
ferre familiari suo non subdito.
- 25 Quid dicendum de famulis fa-  
miliarium Episcopi.
- 26 Quid de magistro actorum.
- 27 Et quid de familiaribus Papae,  
vel Cardinalium, & Episcopo-  
rum in Curia residentium.
- 28 Triennium, quo debent fami-  
liares cum Episcopo commora-  
ri, debet esse continuum, & quo-  
modo id intelligatur.
- 29 An ad hunc effectum sufficiat  
quod triennium incaperit, ante-  
quam esset Episcopus.
- 30 An si Episcopus ordinet fami-  
liarem suum ad minores ordi-  
nes, debeat illi conferre benefi-  
cium.
- 31 An familiaris remaneat suspen-  
sus ab ordinis exequatione, si  
Episcopus ei statim beneficium  
non conferat.
- 32 An si Episcopus suo familiari  
conferat beneficium, possit illi or-  
nes conferre non expectato trien-  
nio.
- 33 An Episcopus possit familiarem  
suam ordinare ad titulum pa-  
trimonij, vel pensionis, & an  
tunc teneatur illi conferre bene-  
ficium.

## C A P. I.

Quis censetur proprius Episco-  
pus quoad ordines susci-  
piendos.

## S. I.

A quo Episcopo ordinari debeat qui  
in vna Diocesi habet beneficium,  
in alia natus est, & in alia  
commoratur.

**E**sp. hoc esse repositum  
in electione ipsius or-  
dinandi, quia cum tri-  
bus hinc modis quoad  
ordines suscipiendos efficiatur sub-  
ditus Episcopi tam originis, quam  
domicilij, & beneficij, ideo ab al-  
terutro, quem maluerit, potest  
ordinari, siue litteras dimissorias  
accipere cap. cum nullus de Tem-  
por. ordin. in 6. Rota dec. 6. p. 4. Di-  
uers. verum electo semel vno Epi-  
scopo siue domicilij, siue beneficij,  
vel originis, non potest Clericus  
pro recipiendis alijs ordinibus ad  
alios Episcopos accedere; quia va-  
riatio in ordinibus, quemadmo-  
dum in beneficalibus prohibet  
Ricc. in Prax. for. eccles. par. 1. resol.

275. Unde si quis primò ad sub-  
 diaconatum ab episcopo originis  
 ad titulum beneficii, vel patri-  
 monij ordinatus fuerit sine licen-  
 tia illius episcopi non possit ab  
 alio Episcopo ratione domicilij  
 alibi contracti promoueri ad Dia-  
 conatum, & presbyteratum quia  
 tunc factus est subditus Episcopi  
 originis, qui ordinavit. *Quarant. in*  
*ver. ordo vers. circa tertium Praefec.*  
*in Prax. Episc. p. 1. cap. 1. n. 10. Bar-*  
*bos. de offi. & pot. Episc. par. 2. alk. 4*  
*num. 4. Bonacin. de sacram. disp. 8.*  
*q. 1. pun. 4. nu. 20. cui quidem sen-*  
 tentia fauere videtur Concilium  
 Tridentinum s. ff. 123. de res. cap. 16.  
 ibi, quod si locum inconsulto Epi-  
 scopo deseruerit, ei sacrorum exer-  
 citium interdicitur; hoc tamen  
 non procedere quoad ordines mi-  
 nores, sed tantum quoad sacros  
 dicit Barbos. loco cit. n. 4. 1.

4 Notandum est autem primò,  
 quod originarius, siue oriundus  
 non solù dicitur à natiuitate pro-  
 pria, ut in l. 1. ff. ad Municip. sed  
 etiã à paterna, ut in l. assumptio.  
 s. 1. ff. de tit. dummodò filius sit le-  
 gitimus iuxta l. c. de legitima. ubi glos.  
 ff. de stat. hom. & idè poterit quis  
 ordinari ab Episcopo loci, seu Die-  
 cesis, ubi ipse, vel eius pater na-  
 tus est. *N. u. cor. s. 19. de Temp. or. a*  
*den. & alij plures, quos cumulat;*  
*Barbos. ubi supra par. 2. alleg. 4. n. 2.*  
*et seq. quod Doctores intelligunt*

5 dummodò pater tempore cõcep-  
 tionis, & natiuitatis filij domici-  
 lium aliò non transfulerit relictã  
 Ciuitate, vel loco originis: quia  
 tunc filius non potest dici origi-  
 narius, vel naturalis loci iam prius

deserui à Patre. *Cas. de Grass. dec. 15.*  
*de Probat. Balb. dec. 22. Rubin. dec.*  
*67. & alij, quos refert, & sequitur*  
*Ricc. in Prax. for. eccl. par. 1. resol.*  
*269. & in collect. decis. 1583. ubi*  
 etiã notat, quod tunc dicitur de-  
 ferta Ciuitas, si ciuis habitat ex-  
 tra Ciuitatem, vel locum: contra-  
 rium tamen declarauit Sac. Cong.  
 Concilij die 16. Dec. 1599. & 12.  
 Augusti 1628. & 7. Aprilis 1629.  
 scilicet, quod quis ordinari potest  
 ab Episcopo originis paternæ, ta-  
 mèn pater tempore natiuitatis  
 illius filij ad aliam Diocesim iam  
 transfulerat domicilium, ut refert  
 Dian. p. 4. tr. 4. ref. 148.

Quæres. r. ubi ordinandi sint in-  
 fantes expositi? Resp. quod cum  
 istorum ignorentur parentes, &  
 locus originis propriæ, ordinari  
 debent ab Episcopo eius loci, ubi  
 nati sunt, vel expositi ad nos. *per*  
*Bart. in l. 1. num. 2. ff. ad municip.*  
*Barbos. d. par. 2. alleg. 4. num. 17. ubi*  
*alios refert.*

Quæres. 2. à quo Episcopo pro-  
 moueri debent filij illegitimi, vel  
 vulgo quæsitii? Resp. quod ab Epi-  
 scopo loci maternæ originis, vel  
 ubi ipsi nati sunt, ordinari debent  
 ut ex l. 1. ff. ad municip. & dicitur de  
 legitime ff. de stat. hom. dicit Barbos.  
 d. alleg. 4. num. 15.

Quæres. 3. quid dicendum sit de  
 ijs, qui in aliquo loco sortuito si-  
 se in peragrinatione nascuntur?  
 Resp. quod in tali casu non sunt  
 promouendi ab Episcopo eius loci  
 cõ, ubi nati sunt, quia non inspi-  
 cur quod per accidens est, ut d.  
 Hennig. & Vafq. apud Bonacin. d.  
 disp. 8. q. 1. pun. 4. n. 13. sed ordina-

ri debent ab Episcopo loci paterna originis *l. filius C. de municip. lib. 10. Barbof. d. par. 2. alleg. 4. n. 18. & 19* ubi idem dicit de eo, qui in mari natus fuit: quod intellige, si filij sint legitimi, nam illegitimi ordinandi sunt in tali casu ab Episcopo loci maternel originis, quia isti matris originem sequuntur, *ut in d. l. cum legitima ff. de stat. hom.*

9 Quæres 4. an promoueri quis possit ad ordines in loco, ubi baptizatus est, licet ibi natus non sit. Resp. affirmatiue, quia sicut per manumissionem quis sortitur forum, & dicitur nasci, ita per baptismum *Bart. in l. ciues nu. 4. C. de incol. lib. 10. Barbof. d. alleg. 4. num. 3. Piafec. ubi supra n. 9. & alij.*

30 Notandum 2. quod ad effectum suscipiendi ordines attenditur vel domicilium proprium filij, quod potest constituere ubicunque ipse voluerit, *ut in d. placet & l. non uti que ff. ad municip. vel domicilium Patris l. filios C. de municip. lib. 10.* modò filius sit legitimus, quia illegitimus, vel vulgo quæsitus matris domicilium sequitur *iuxta tex. in d. l. cum legitima ff. de stat. hom. si verò desit patris domicilium, maternum erit sequendum Piafec. in Prax. Episc. par. 1. cap. 1. nu. 9. Vulp. in Prax. iudic. c. 7. n. 24. Barbof. d. alleg. 4. num. 16.*

11 Potest autem constitui domicilium etiam momento temporis, si quis habeat animum perpetuo manendi in aliquo loco. *Nam. cons. 2. de Tempor. ordin. Vulp. d. capit. 7. num. 25. Barbof. ubi supra p. 2. alleg. 4. num. 24.* sed in tali casu non solum requiritur expressa, talis ani-

mi declaratio medio iuramento, sed etiam aliquod signum assumpti domicilij, puta si emerit domum *gl. in l. 2. C. de incol. lib. 10. & 11. d. decisum refert Ricc. in Prax. for. eccles. par. 1. res. 274.* non tamen sufficit sola emptio domus, nisi concurrat etiam animus perpetuo manendi *l. Libertus d. sata domus ff. ad municip. Sylu. in ver. domicilium n. 1. Piafec. in Prax. Episcop. par. 1. cap. 1. n. 9.*

12 Si verò de animo dubitetur, recurrendum est ad coniecturas, quarum præcipua ea est, si quis cum tota familia omnia bona sua, vel maiorem partem transtulerit *l. ciues vbi DD. C. de incol. lib. 10.* vel si assidua probetur habitatio non minori spatio decem annorum, quia tunc præsumitur animus perpetuo manendi *Vulp. d. cap. 7. nu. 25. Piafec. par. 1. cap. 1. num. 9. & alij.*

13 communiter: nisi adsit aliquod indicium in contrarium, ut accidit in scholaribus, & famulis, qui ad tempus in loco commorari consueverunt *l. 2. vbi Bart. & alij C. de incol. lib. 10.* si tamen finito studio aut seruitio in eodem loco per decennium, & ultra scholares, vel famuli commorati fuerint, tunc censeretur, eos magis habere animum domicilium contrahendi, quam seruiendi, vel studendi, *ut dicunt Doctores, quos refert, & sequitur Barbof. loca cit. par. 2. alleg. 4. numero 29.*

14 Si verò quis habeat in duobus locis domicilium, & æqualiter se colloct in vtroque *iuxta capitulum 2. de sepult. in 61. Libeo, & l. assumptia ff. ad munic. ab alterutro Episcopo-*

fco-

- scopo poterit tunc ordinari: quia ratione utriusque domicilij utriusque Episcopo fit subditus, ut probat Ricc. in Prax. for. eccl. par. 1. resol. 275. & alij. secus si huiusmodi domicilia non essent & que principaliter contracta, quia tunc principaliter semper est attendendum. Mendch. conf. 398. n. 23. Ludov. decif. Perus. 85. nu. 5. quos refert Barbos. loco cit. alleg. 4. n. 39.
- 15 Regulares verò ordinari debent ab Episcopo loci, in quo situm est monasterium, etiam si non habeant animum ibi perpetuo manendi ex decreto Sac. Cong. quod refert Pia sec. d. par. 1. cap. 1. n. 14. Quarant. in ver. ordo vers. quantum verò Barbos. d. alleg. 4. n. 61. vbi etiam dicit, quod si Regulares degant in monasterijs. sitis, in loco nullius Diæcesis, ordinari debent ab Episcopo viciniore.
- 16 Verum ab hac obligatione excipiuntur Patres Societatis Iesu, quibus Gregorius XIII. indulget, ut à quocunque catholico Antistite ordinari possint ad quosuis ordines etiam maiores, ut in eius constitutione, que incip. Piam, & similes, relata per Pia sec. in Prax. Episc. par. 1. cap. 1. n. 48.
- 17 Nouitij quoque ordinandi sunt ab Episcopo, in cuius diæcesi situm est monasterium, vbi morantur tempore nouitiatus, etiam si alibi nati sint ang. cap. cum nullus S. religiosi de Temp. ord. in 6. Vulp. in Prax. iudic. c. 7. n. 9. & alij quos refert, & sequitur Ricc. in Prax. for. eccl. par. 4. resol. 258. vbi dicit, quod etiam ad Episcopum spectat litteras dimissorias nouitij, con-
- cedere. Quod intellige quoad ordines minores, nam ante emissam professionem ad sacros promoueri non possunt, nisi forte habeant titulum beneficij, vel patrimonij sufficientis ad victum iuxta formam Concilij Tridentini sess. 21. de ref. c. 2. ut statuit Pius V. in eius constitutione incipien. Romanus Pontifex quam refert Quarant. in ver. ordo vers. secunda constitutio, vide Ricc. loco cit. d. ref. 258.
- 18 Vnde Abbatem regulare nouitij suis minores ordines non posse conferre resoluit Vulp. in Prax. Iudic. c. 7. in 9. Ricc. in Prax. ut supra par. 4. ref. 587. Henric. in sum. lib. 10. cap. 23. § 3. in commen. lit. G. Fr. Emman. quest. regul. to. 3. q. 23. ar. 2. in fin. Sayr. de cens. lib. 4. c. 13. n. 5. Nald. in sum. ver. nouitij n. 9. & alij, quos refert & sequitur Barbos. de offic. & pot. Episc. d. par. 2. all. 3. n. 8. & all. 4. n. 63. & all. 7. nu. 33. quia nouitij non subdantur irrevocabiliter Abbati, cum ad libitum possint ad seculum redire: ex quo infert Vulp. & Ricc. locis citat. Abbatem ordinatem nouitios incurere pœnas contentas in Conc. Trid. sess. 23. de ref. cap. 10.
- 19 Notandum 3. quod ad ordines suscipiendos sufficit beneficium, etiam tenue, siue sit simplex, siue residentiam requirens: quia tex. in d. cap. cum nullus, non explicat valorem, neque qualitatem beneficij Bonacin. de sacram. disp. 8. q. 1. pun. 4. n. 14. Vulp. in Prax. Iudic. c. 7. num. 27. Garc. de Benef. par. 2. cap. 4. num. 8. & alij apud Dian. par. 4. tr. 4. ref. 51. vbi addit, hoc procedere, etiam si beneficium sit tenuissimum.

- simum, & non reddat nisi duos au-  
teos, vel circa dummodò huius-  
modi beneficium patrimonium suf-  
ficiens ad victum adiungatur iux-  
ta dispositionem Concilij Tridenti-  
ni sess. 21. de ref. cap. 2. quicquid in  
contrarium dicant alij DD. nam si  
beneficium duorum ducatorum  
est sufficiens, vt quis gaudeat pri-  
uilegio fori, vt resoluit. Sac. Cong.  
apud Dian. loco cit. quare non erit  
sufficiens, vt quis tamquam subdi-  
tus ad ordines promoueat?
- 20 Amplia etiam si patrimonium  
existeret in alia Diocesi, quia ad  
Episcopum beneficij adhuc specta-  
bit ordinatio: nam ratione patri-  
monij præcisè nullus acquirit fo-  
rum; nec fit subditus Episcopi lo-  
ci, in quo existit Barbof. de offic. &  
pot. Episc. par. 2. all. 4. num. 58. Ricc.  
in Prax. for. eccles. par. 1. resol. 271.  
& 272.
- 21 Vnde si quis haberet plura be-  
neficia in diuersis Diocesisibus, ab  
vnoquoque illarum Antistite pro-  
moueri posset Anchar. in d. cap. cū  
nullus num. 1. Gara. de Benef. par. 2.  
cap. 4. num. 2. & alij, quos refert, &  
sequitur Barbof. loco cit. d. all. 4. nu-  
51. Ricc. in Prax. par. 2. resol. 49. vbi  
etiam dicit, quod vterque Epi-  
scopus potest dispensare super il-  
legimitate, & interstitijs.
- 22 Censeo tamen, quod si in vna  
Diocesi quis haberet beneficium  
residentiam requirens, & in alia  
beneficium simplex, præferendus  
esset Episcopus beneficij residen-  
tiam requirentis, cum in tali ca-  
su concurrat & ratio beneficij, &  
ratio domicilij ad trad. per Bar-  
bof. & alios DD. in cap. 1. de Treug.
- & par. Clericus enim obtinens be-  
neficia cum residentia habet do-  
micilium, & est ciuis illius Diocesis,  
in qua tale beneficium situm est  
Sylu. in ver. domic. n. 1. Bart. in l. 1.  
num. 13. ff. ad municip. Piasco. in  
Prax. Episc. par. 1. cap. 1. nu. 9. vers.  
& ex ista.
- 23 Non tamen sufficeret ad ordi-  
nes suscipiendos sola collatio, be-  
neficia sine possessione, neque pen-  
sio super beneficio Ricc. in Prax.  
par. 1. ref. 272. Barbof. par. 2. all. 4. n.  
55. & 57. vbi cit. Vgolin. Marchin.  
Campan. Garc. & alios.
- S. II.  
An Episcopus possit ordines con-  
ferre familiari suo non  
subdito.
- 24 R Esp. affirmatiuè, dummodò per  
triennium secum fuerit com-  
moratus, & beneficium quacunq.  
fraude cessante statim re ipsa illi  
conferat Conc. Trid. sess. 23. de ref.  
cap. 9. quo casu posse Episcopum  
eidem litteras dimissorias conce-  
dere, dicit Barbof. d. p. 2. all. 5. nu.  
16. Hoc tamen Doctores commu-  
niter intelligunt de Episcopo or-  
dinario, & Diocesim habente,  
nam Episcopo titulari id expressè  
prohibetur ab eodem Concilio in  
sess. 14. de ref. cap. 2.
- 25 Quæres 1. an famuli familiarium  
Episcopi gaudeat priuilegio Tri-  
dentini d. cap. 9. affirmatiuè re-  
spondet Sanch. in opusc. to. 1. lib. 7.  
cap. 1. dub. 20. num. 24. quem refert,  
& sequitur Dian. p. 4. tr. 4. ref. 145.  
Barbof. d. par. 2. all. 5. nu. 6. dummo-  
dò

- do expensis Episcopi alantur, & presentes inferuiat; putant enim, triennium à Concilio fuisse præfixum, vt Episcopus cognoscere posset familiarium mores, & ideo non posse Episcopum ordinare eos familiares, vel eorum famulos, qui absentes fuerint in regione remota, etiamsi ipsius Episcopi sumptibus vixerint, quia absentium mores non potest cognoscere, vide *Quarant. in ver. ordo vers. limita in eo Piafec. in Pra. Episc. par. 1. cap. 1. nu. 15. Bonacin. de Sacram. disp. 8. q. vn. pun. 4. n. 18. Ricc. in Prax. for. eccl. par. 1. ref. 276.*
- 26 Addit Gratian. *dec. March. 133. Anton. var. resol. lib. 1. ref. 75. & alij quos refert, & sequitur Barbof. dicta all. 5. num. 18.* quod etiam magister Actorum Curie Episcopalis vti familiaris potest in tali casu ab Episcopo ordinari.
- 27 Officiales quoque, seu familiares Papæ, vel Cardinalium, & Episcoporum in Curia residentiū sufficientem titulum habentes, & alia à iure requisita, post trienniū seruitutis posse de licentia ipsorū à Vicario Summi Pontificis promoueri etiam ad sacros ordines, dicit Armendar. *apud Barbof. d. all. 5. nu. 19. vbi etiam citat Molfes. in Sum. Theol. mor. tract. 2. cap. 2. num. 32. in fin. & Marchin. t. act. 1. p. 5. c. 9. post num. 15. vers. sexto.*
- 28 Obseruant tamen Doctores, quod triennium, quo debent familiares cum Episcopo commorari, debet esse continuum *Bonac. de Censur. in part. disp. 3. q. 1. pun. 11. num. 7. & alij apud Barbof. d. all. 5. nu. 9. Ricc. in Prax. par. 1. ref. 277. vbi id limitat, si per modicum tempus, aut ex causa legitimi impedimenti, puta infirmitatis, vel similis abessent.*
- 29 An verò ad hunc effectum sufficiat, quod triennium inceperit, antequam esset Episcopus? affirmatiuè respondent DD. *quos refert, & sequitur Vulp. d. cap. 7. n. 19. Ricc. in Prax. vt supra par. 1. ref. 278. Bonacin. de Sacram. disp. 8. q. vn. d. pun. 4. num. 16.* vbi etiā dicunt, ita declarasse Sac. Congreg.
- 30 Quæres 2. an Episcopus debeat familiari suo conferre beneficium si illum ordinet tantū ad minores ordines? affirmatiuè resp. Doctores, siue talis familiaris ordinetur ad sacros ordines, siue ad minores, vel primam tonsuram ita *Nau. cons. 11. de Tempor. ordin. Bonacin. de Sacram. disp. 8. q. vn. punct. 4. num. 17. & ita declarasse Sac. Cong. & Rotam Romanam dicit Quarant. in ver. ordo vers. limita in eo Vulp. in Prax. Iudic. d. cap. 7. num. 18. Barbof. d. p. 2. all. 5. nu. 11.* vbi etiam notat quod collatio beneficij facta post sex menses non dicitur facta secundum mentem Concilij, quia tempus sex mensium est longum tempus.
- 31 Obseruat tamen Bonacin. *de Censur. in part. disp. 3. q. 1. pun. 11. num. 12:* quod familiaris bona fide cum spe beneficij statim obtinendi ordinatus non remanet suspensus ab ordinis executione, si Episcopus ei statim beneficium non conferat, aut si moriatur nondum collato beneficio, quia vbi non



non est culpa, par est, vt neque sit pena l. *Sanctus C. de Pœnis*. Addunt alij, quod si Episcopus conferat suo familiari aliquod beneficium in sua Diœcesi, potest statim illum ordinare non expectato triennio, quia tunc non ordinat pretextu familiaritatis, sed ratione beneficij; quemadmodum si daret beneficium cuicumque extraneo, posset illum statim ordinare *ex d. cap. cum nullus de tēp. ord. in 6 ita Sanch. in opusc. tom. 2. lib. 7. cap. 1. dub. 20. num. 25. quem refert, & sequitur Dian. d. par. 4. tr. 4. ref. 145. Barbof. d. all. 5. num. 11.*

33 Quæres tertio, an Episcopus possit familiarem suum ordinare ad titulum patrimonij, vel pensionis ob necessitatem, vel vtilitatem propriæ ecclesiæ? affirmatiuè respondet Garc. *Armend. & Merchin. apud Barbof. d. par. 2. all. 5. num. 12. & seq. & ita censuiss. Sacr. Congregationem referunt Ricc. in Prax. for. eccles. par. 3. ref. 450. Bonacin. de censur. in par. disp. 3. q. 1. pun. 11. nu. 11.* vbi etiam dicit, quod in hoc casu non tenetur Episcopus illi beneficium conferre, cum habeat vnde viuere possit.

## S V M M A R I V M.

- 1 An possit quis ordinari ad titulum Capellaniæ amouibilis, & quid si fuerit iam ad illius titulum ordinatus.
- 2 Obtinens Capellaniam amouibilem in Capella Papæ an possit ad eius titulum ordinari.
- 3 An possit quis ordinari ad titulum Capellaniæ non collatiuæ.

4 Quando censetur testator facere Capellaniam non collatiuam, & num 5. & 6.

7 Testator simpliciter instituens Capellaniam non prohibendo collationem videtur velle instituire ecclesiasticum beneficium.

8 An possit quis ordinari ad titulum Capellaniæ nō collatiuæ tãquã ad titulum patrimonij.

9 An Capellaniæ ad nutum Patroni concessa possit auferri sine causa.

10 An possit quis ordinari ad subdiaconatum, & Diaconatum ad titulum beneficij, cuius fructus lucrari non potest, nisi post susceptum Presbyteratum.

11 An Clericus Seminarij possit ordinari ad titulum seruitij præstandi in aliquo beneficio eidem Seminario unito.

12 Qui ordinatur sine titulo, aut patrimonio sciens Episcopo nullam penam incurrit, sed Episcopus tenetur ei victum præbere. Suspensionem incurrit qui cum falso, aut seduciario titulo ordinatur, ibidem.

13 Eandem suspensionem incurrit, qui sacris initiatur sine patrimonio cum pacto non petendi ab Episcopo victum.

Quam penam subeat Episcopus in tali casu, ibidem.

14 Religiosi, qui ante professionem promouentur absque titulo, eandem suspensionem incurrunt.

15 In Religiosis Societatis Iesu prima professio cum triplici voto simplici in hac parte sufficere titulum præbet.

16 Hac suspēsiōne ligatur Religiosus